

南漢地理志  
瓊州雜事詩



廣西  
州縣  
地理  
事理  
詳志



南  
漢  
地  
理  
志

吳蘭修  
撰

中  
華  
書  
局

南漢地理志

此據嶺南遺書本  
排印初編各叢書  
僅有此本

五代時十國紀事之略。吳則有釣磯立談。南唐則有馬陸二書。吳越則有備史。楚則有新錄。蜀則有錦里耆舊傳。惟南漢胡賓王之劉氏興亡錄。佚而不傳。黃文裕修廣東通志時。其書尙存。志中所載南漢事。不見羣籍者。疑卽興亡錄也。國朝吳任臣十國春秋。擡拾甚富。所載故事。不注出於何書。讀者病之。吳石華博士枕經。靡史無所不通。仿前後漢紀之例。年經事緯。輯爲此書。各注書名。以矯其失。至於輿地沿革。考覈精詳。尤非任臣所能及矣。予謂著正史易。著霸史難。正史有史宓之起居注。實錄在據事直書而已。霸朝多僻處偏隅。又少人士。不設著作郎。不立起居注。著霸史者。勢必探之稗官野史。然小說家或傳聞異辭。或詭隨失實。非明決擇。嚴去取。必致變亂黑白。顛倒是非。就南漢而論。歐史世家之紀年。職方之地名。尙有舛誤。況不及歐陽氏者哉。是紀導禾去節。不支不蔓。當與常璩。崔鴻並肩。陸游馬令之徒。不足道矣。

甘泉江藩跋。

# 南漢地理志

嘉應 吳蘭修 石華撰

興王府本廣州。乾亨元年改爲興王府。

司馬光資治通鑑

領縣十三。

常康。咸寧。乾亨元年析南海爲常康、咸寧二縣。永豐重合二場。

樂史太平寰宇記。蘭修按歐陽修五代史云。劉龔自云家本咸寧。私爲益爽主。永樂大典引

宋會要云。劉氏割據嶺表。建僞都於廣州。乃分南海縣地爲常康、咸寧二縣。以爲京邑。且就美名。是也。宋會要又云。開寶五年。廢常康、咸寧二縣。依舊爲南海。與寰宇記。王存元豐九域志。李攸宋朝事實。歐陽忞輿地廣記。合宋史地理志。有常康而不及咸寧。屬端臨文

獻通考。有成寧而不及常康。並誤。

番禺。

增城。

四會。

化蒙。

宋志作蒙化誤。

懷集。

泮水。

宋志。宋朝事實。輿地廣記。作泮水。九域志作泮子。並誤。

東莞。

清遠。

浚洳。

輿地廣記作浚洳。吳任臣十國春秋作浚洳。並誤。

新會。

義寧。

韶州領縣五。

曲江

始興

蘭修按宋志宋朝事實輿地廣記宋開寶四年始興方隸南雄州寰宇記云乾和四年割嶺南始興二縣置雄州誤也

樂昌

翁源

仁化

潮州

蘭修按潮州至宋未廢歐史職方考無潮州誤

領縣二

海陽

潮陽

禎州

蘭修按通考宋天禧四年以州名犯仁宗御名始改爲惠州歐史職方考作惠州誤

本循州舊理乾亨元年移循州於雷鄉縣於此置禎州仍割循州

之歸善博羅海豐河源四縣以屬之

寰宇記蘭修按寰宇記於循州下又云劉鑑割據信誠乾亨元年分歸善博羅河源海豐四縣爲禎州劉鑑當作劉鑑乾亨當作乾亨王象之輿地紀勝歐正是也

縣四

歸善

博羅

河源

海豐

循州

蘭修按循州至宋未廢歐史職方考無循州誤

乾亨元年移治雷鄉縣

輿地廣記領縣二

龍川舊雷鄉縣乾亨六年改

寰宇記

興寧乾亨時移於舊縣西六十里地名長樂

同上蘭修按黃佐廣東通志興寧昌府在興寧縣

北五里洪塘坪。南漢劉鑰置。使其子鎮之。宋開寶四年廢爲興寧。考宋代地志諸書。並無置齊昌府事。今不從。

### 端州領縣二。

高要。平輿。

### 英州。乾亨四年。析興王府。瀆陽縣置。

十國春秋。蘭修按。太平寰宇記云。乾和五年。置英州。而通鑑乾和三年。出王闡爲英州刺史。則非置於乾和五年明矣。歐史職方考云。劉龔置。不著何年。今從十國春秋。

### 領縣一。

瀆陽。

### 雄州。本始興郡。瀆昌縣地。乾和四年。於此置雄州。

寰宇記。蘭修按。歐史職方考云。劉龔置。領縣一。

### 瀆昌。

蘭修按。輿地紀勝引圖經。宋避仁宗嫌名。始改瀆昌爲保昌。通考。南漢以保昌縣置雄州。十國春秋從之。誤。

敬州。蘭修按。宋會要。宋志。通考。避翼祖諱。稱恭州。非實改也。輿地廣記。開寶四年。改爲梅州。熙寧六年。始廢。歐史職方考無敬州。誤。

本潮州程鄉縣。乾和三年。升爲敬州。寰宇記。領縣一。

### 程鄉。



封州領縣二。蘭修按唐書地理志武德四年析封川置封興縣後省。黃字記宋志通考輿地廣記輿地紀勝並云封州領封川開建二縣與唐志合今從之。郝玉麟廣東通志乾享初改封川爲封興并省開建入之誤也。

封川 開建

康州領縣四

端溪 晉康 悅城 都城

恩州領縣三

恩平 杜陵 陽江

瀧州領縣四

蘭修按唐志貞觀十八年藥州廢省安遂永業以永寧安南二縣屬瀧州至德二載改安南爲鎮南天寶元年改永寧爲建水實領瀧水開陽鎮南建水四縣。寰宇記瀧州原領縣四宋開寶六年廢省開陽鎮南建水三縣入瀧水屬康州。

與唐志合今從之。舊唐書地理志分永寧建水爲二縣輿地廣記宋朝事實十國春秋俱有安遂誤也。

瀧水 開陽 鎮南 建水

通考作  
鎮南誤

勤州領縣二。

銅陵。富林。

新州領縣二。

新興。永順。

高州領縣三。

電白。良德。

保定。爾修按。通典。舊唐志。寰宇記。宋朝事實。通考。作保定。唐志。九域志。輿地廣記。輿地門。作保寧。

潘州領縣三。

茂名。梁開平元年改爲越裳縣。薛居正五代史。乾亨七年十月復名。

十國春秋。爾修按。王溥五代會要。後唐同光元年十月改越裳縣復爲茂明。即乾亨七年也。時地屬南漢。於

後唐無涉。十國春秋改正。是也。今從之。茂明當作茂名。聲近之誤。

潘水。十國春秋作潘川。誤。南巴。

羅州領縣三

蘭修按唐志天寶元年改石城爲廉江招義爲幹水大曆八年以南河屬順州羅州實領廉江吳川幹水零緣四縣寶字記九域志宋朝事實輿地廣記輿地紀勝引宋會要並云開寶五年省廉江幹水零緣三縣入吳川屬辨州與唐志合然

輿地廣記云南漢立常樂州兼置博電零緣鹽場三縣緣之諸書亦云開寶五年省常樂州以博電零緣鹽場三縣置石康縣屬廉州是南漢時有兩零緣縣也按寶字記零緣縣在羅州西南一百二十里以零緣水爲名方輿紀要羅州即今石城縣治常樂州在今台浦縣東北三十里是二州壤地相接南漢置常樂州時以羅州之零緣分緣耳非別置一零緣縣諸書兩見誤也今改正又寶字記分石城廉江爲二縣通考仍有石城招義南河三縣十國春秋從之並誤

廉江 吳川 幹水

辨州領縣二

蘭修按宋會要李燾長編宋志通考太平興國五年始改辨州爲化州歐史職方考有辨州復有化州誤也又按唐志乾封二年割羅辨入禹州大曆八年割龍化入順州辨州止領石龍陵羅二縣今從之寶字記化州禹州俱有羅辨與

地廣記化州順州俱有龍化並誤

石龍 陵羅

春州領縣三

陽春 流南

蘭修按唐志武德四年置流南縣後省寶字記云春州元領縣三陽春流南羅水開寶六年廢流南羅水二縣入陽春輿地紀勝引宋會要同據此則南漢復置流南縣矣

羅水

雷州 十國春秋 梁開平三年移治鷺雷江源南漢復歸海康 寰宇記 開修接黃佐廣東通志開平四年遷白院村乾亨二年遷特侶塘 領縣三

海康 遂溪 徐聞

邕州 關修按五代會要天福七年改邕州為誠州避廟諱寰宇記晉天福七年改邕州為誠州避廟諱漢初復天福七年即漢光天元年邕州已屬南漢於晉無涉今不從 領縣七

宣化 武緣 晉興 朗寧 思龍 唐志寰宇記作思龍 如和 宋志作如化 封陵 輿地廣記作封陵

澄州 關修按輿地紀勝云圖經以為唐末廢澄州非是當從會要是也歐史職方考無澄州設 領縣四 關修按唐志澄州領縣四寰宇記宋開寶六年廢澄州併止戈賀水無虞上林屬邕州與唐志合今從之十國春秋澄州止領上林一縣誤

上林 無虞 止戈 賀水

貴州 關修按貴州至宋末廢歐史職方考無貴州設 領縣四

鬱平 關修按唐志貴州下作鬱林縣於鬱林州下作鬱平縣與通典不合王象之駁正是也說見鬱林州下 懷澤 義山 潮水

潯州 關修按宋朝事實輿地紀勝宋開寶五年始廢潯州入橫州歐史職方考無潯州設李吉甫元和郡縣志作蠻州亦誤 領縣三

永定。十國春秋作永令誤。

武羅。

靈竹。十國春秋作靈川。誤。靈川屬桂州。

橫州領縣三。

寧浦。

從化。

開修按唐志從化本名淳風。永貞元年改。寰宇記云犯憲宗廟諱也。輿地紀勝云開寶五年併樂山從化二縣入寧浦。與唐志合。通考作淳風。十國春秋從之。誤也。

樂山。

賓州領縣三。

嶺方。

元和志宋志通考作領方。

瑯琊。

保城。宋志作石城。輿地紀勝作寶城。並誤。

潯州領縣二。

桂平。

十國春秋作平桂。誤。

皇化。

開修按通典通考作宣化。舊唐志云貞觀七年置潯州領桂平皇化等縣。又云宣化漢阿林縣屬鬱林郡。隋置皇化縣。後廢。貞觀六年復置。云云。據此則宣字乃傳寫之誤耳。唐志元和志宋志寰宇記九域志與

地紀勝皆作皇化。十國春秋作宣化。誤也。宣化屬邕州。

容州領縣六。

開修按唐志容州領縣六。宋志寰宇記九域志輿地廣記輿地紀勝引郡邑圖志並云開寶五年廢容州之欣道渭龍陵城仍領普寧臨川北流三縣。與唐志合。今從之。十國春秋領縣四。無臨川欣道。誤。

普寧。北流。陵城。涓龍。欣道。陸川。

牟州。蘭修按。宋朝事實。輿地紀勝。引宋會要。開寶七年。始廢牟州入鬱林州。歐史職方考無牟州。誤。領縣三。

定川。南流。宕川。通典。新舊唐志。九域志。宋志。宋朝事實。輿地紀勝。通考。俱作宕川。是也。寰宇記作巖川。輿地廣記作安川。十國春秋作岩川。並誤。

白州。領縣四。

博白。建寧。周羅。南昌。

欽州。領縣五。

欽江。保京。蘭修按。新舊唐志。至德三載。改安京爲保京。宋志云。宋初復爲安京。是也。輿地廣記謂唐改安京。今不從。

內亭。

遵化。

靈山。

蘭修按。舊唐志作靈川。誤也。靈川屬桂州。

廉州。領縣四。

合浦。大寶。初析置媚川都。輿地紀勝。封山。蔡龍。大廉。

常樂州。本合浦縣地。南漢立常樂州。十國春秋云。乾亨元年。兼置博電、鹽場、二縣。

輿地廣記。闕修按。輿地廣記原作博電。電。零。綠。鹽。場。三縣。今刪正。說見羅州下。

割

羅州零綠縣隸之。領縣三。

博電。本合浦地。與鹽場同置。鹽場。零綠。

黨州。領縣四。

闕修按。唐志。黨州領撫安、善勞、善文、寧仁、四縣。平琴州領容山、懷義、福陽、古符、四縣。建中二年。平琴州廢。皆屬黨州。無省。某縣明文。輿地廣記云。唐勝平琴州入黨州。後又省善文、寧仁、福陽、古符四縣。據此。可補唐志之闕。又云。宋開寶七年。廢

黨州。省撫安、善勞、容山、懷義。人南流。屬鬱林州。與寰宇記、九域志、宋志、宋朝事實、輿地紀勝、同。今從之。歐史。職方考。無黨州。通考。黨州領善勞、撫安、善文、寧仁、四縣。十國春秋從之。並誤。

撫安。

善勞。九域志。輿地紀勝。作善勞。字誤。容山。宋朝事實。作文山。誤。

懷義。

繡州。闕修按。宋志。輿地紀勝。引宋會要。開寶五年。始廢繡州。省常林、阿林、羅繡三縣入普寧。屬容州。歐史。職方考。無繡州。誤。領縣三。

常林。

十國春秋。作常州。誤。

阿林。羅繡。

鬱林州。領縣三。

闕修按。唐志。建中二年。省鬱林州之石南入興業。仍領鬱平、興業、興德、潭栗、四縣。十國春秋有石南。誤也。又按。潭栗縣。新舊唐志。俱不注沿革。通考云。唐鬱林州領縣五。後廢石南、潭栗。則潭栗在唐未已省。故寰宇記、九域志、宋志、宋

朝事實與地廣記與地紀勝並云開寶五年省鬱平與德二縣入興業而不及潭栗也今從之十國春秋有潭栗亦誤。

### 鬱林

輿地紀勝鬱林州鬱林縣下云本漢廣鬱縣地沈約宋志及元和郡縣志並云吳改廣鬱爲陰平縣晉改爲鬱平縣歷代因之然晉宋以下諸志止有鬱平而無陰平是改廣鬱爲鬱平也元和郡縣志又云隋開皇十年於此置鬱林縣是鬱林縣始置於隋也故隋志於鬱林郡下始並列鬱林鬱平二縣通典云大唐於鬱林懷澤潮水義山四縣置貴州是鬱平縣隸貴州也又云大石南鬱林等五縣置鬱林州是鬱林縣隸鬱林州也國朝會要云開寶四年廢鬱林州鬱林縣興業縣又云開寶四年改貴州鬱平縣爲鬱林縣則是開寶四年既廢鬱林州之鬱林縣故移鬱林縣之名冠之於鬱平縣耳由是言之在漢則爲廣鬱在晉則爲鬱平在隋始分建鬱林縣與鬱平並置唐始以鬱平縣隸貴州以鬱林縣分屬鬱林州故二縣之名隸於二州至國朝開寶平嶺南廢鬱林州之鬱林縣入廣業縣而改貴州之鬱平縣爲鬱林縣而二縣之名始合爲一新唐書志却以鬱平縣隸鬱林州而以鬱林縣隸貴州與通典殊不相應蓋杜佑唐人也紀唐之縣名必不差謬而新唐書以本朝更易之縣名而定唐人之縣名始不得其實矣不可以不辨竊修按王象之此論甚晰故備載之

### 興業 興德

### 藤州領縣四

鐘津 感義 義昌 寧風



寶州領縣四。

信義。

懷德。

潭叢。

特亮。

蘭修按：寶字記云：縣有特亮山，在河洞水北，昔有白牛，夜出，光影照林，村人以牛光影為特亮，故名。舊唐志作特亮，宋朝事實與地廣記俱作亮縣，十國春秋作時亮，並誤。

義州。

蘭修按：九域志、長編、宋開寶四年始改義州為南義州，歐史職方考無義州，誤也。

領縣三。

岑溪。

永業。

連城。

禺州領縣三。

蘭修按：唐志：大曆八年以溫水屬順州，唐末以陸川屬容州，寶字記：禺州有溫水，十國春秋有陸川而無羅辨，並誤。又唐志：禺州領錢石、羅辨、扶萊、宕昌四縣，而容州北流縣注云：武德四年析置宕昌，貞觀後省，不應復有宕昌縣。九域志、宋志、

輿地廣記、輿地紀勝、引宋會要並云：開寶五年廢禺州，省峨石、扶萊、羅辨，入北流縣，不及宕昌，今從之。歐史職方考無禺州，誤。

峨石。

羅辨。

扶萊。

蘭修按：唐志：扶萊縣武德四年置，以扶萊水得名，通典、舊唐志、通考、十國春秋作扶桑，誤。

順州領縣四。

蘭修按：唐志：大曆八年，容曾經略使王翊，析辨州龍化、禺州溫水、羅州南河、白州龍豪，置順州。九域志、宋志、輿地廣記、通考並云：開寶五年廢順州，省龍豪、溫水、龍化、南河、入陸川，屬容州。與唐志合。今從之。寶字記：順州止領龍豪、南河二縣，歐

史職方考無順州，並誤。